

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### ওরেগন গভর্ণরের বাংলাদেশ সফর: নিরাপত্তা ও অর্থনৈতিক সম্পর্ক বিশেষ গুরুত্ব পাবে

ঢাকা, নভেম্বর ৮- যুক্তরাষ্ট্রের ওরেগন রাজ্যের গভর্নর থেওডর কুলনগক্ষির নেতৃত্বে ওরেগন “ন্যাশনাল গার্ড স্টেট পার্টনারশীপ প্রোগ্রাম” এর অংশ হিসেবে একটি প্রতিনিধি দল বাংলাদেশের রাজনৈতিক, সামরিক ও বেসামরিক নেতৃত্বন্দের সাথে মতবিনিময়ের জন্য ৪ দিনের সফরে আজ ঢাকা আসছেন।

প্রতিনিধিদের মধ্যে ‘পোর্ট অফ পোর্টল্যান্ড’ ও ‘ন্যাশনাল গার্ড’ এর নেতৃত্বন্দ থাকবেন। প্রতিনিধি দলটি সরকারী কর্মকর্তাদের সাথে প্রাকৃতিক দুর্যোগ ও বিপর্যয়ে নিহতের বা আহতের সেবায় দু দেশের অভিজ্ঞতা বিনিময় করবেন। এ সফরে বিশেষ গুরুত্ব পাবে ওরেগন ও বাংলাদেশের পারস্পরিক অর্থনৈতিক সম্পর্কের উন্নয়ন। প্রতিনিধি দলটি এ সফরকালে বাংলাদেশ সরকারের উর্ধ্বতন নেতৃত্বন্দের সঙ্গে সাক্ষাৎ করবেন এবং ‘আমেরিকান চেম্বার অফ কমার্সের’ সাথে মধ্যাহ্নভোজে অংশ নিবেন। এছাড়াও ১১ নভেম্বর গভর্নর কুলনগক্ষি ৭১’ এর মুক্তিযুদ্ধে বাংলাদেশ সেনাবাহিনীর শহীদদের শুদ্ধা জানাতে শিখা অনৰ্বাগে পুস্পন্দিত অর্পণ করবেন।

যুক্তরাষ্ট্রের বিভিন্ন রাজ্যের ‘ন্যাশনাল গার্ড ইউনিট’ এর সাথে অন্যান্য দেশের সম্পর্ক উন্নয়নের সুদূরপ্রসারী পরিকল্পনার চলমান প্রক্রিয়ায় ‘স্টেট পার্টনারশীপ প্রোগ্রাম’ এর অংশ হিসেবে এই সফরের আয়োজন করা হয়েছে।

এরই অংশ হিসেবে গত মার্চে বাংলাদেশের সামরিক ও বেসামরিক নেতৃত্বন্দের একটি প্রতিনিধি দল ওরেগন ভ্রমন করেন এবং বিমানবন্দর ও নৌবন্দরের নিরাপত্তা, উচ্চতর শিক্ষা এবং ব্যবসার সুযোগের ব্যাপারে কর্মশালায় অংশ নেন। আমেরিকার রাষ্ট্রদ্রুত জেমস এফ. মরিয়ার্টি প্রতিনিধি দলটির সফরসঙ্গী ছিলেন। পরবর্তিতে ‘স্টেট পার্টসারশীপ প্রোগ্রামের’ অংশ হিসেবে বাংলাদেশের যাতায়াত ব্যবস্থার নিরাপত্তা পরিকল্পনা উন্নয়নের জন্য আরেকটি প্রতিনিধি দল আগস্টে বাংলাদেশ সফর করে।

=====

জিআর/ ২০১০

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৮, ফ্লাক্স: ৯৮৮৫৬৮৮; ই-মেইল:

[DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov) যোগাযোগ করুন।